



Korupsaun Kazual iha Seitor Siguransa

Mahein Nia Lian Nú. 94, 26 Dezembru 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha públikasaun relatoriu sira ne'e la representa vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Kontiudu sira

Kontiudu sira	2
Introdusaun	3
Metodolojia	
Tipu Korupsaun Kazual iha Seitór Siguransa	4
1. La disiplina uza veikulu	4
2. Subornu no falsifikasaun dados	5
3. Na'ok komvustivel Estadu	5
4. La disiplina iha tempu serbisu	6
FM nia esperiensa ho oknum PNTL kona-bá korupsaun kazual	7
Rekomendasaun	8
Bibliografia	9



Introdusaun

Korupsaun nu'udar fenomenu kompleksu ida ho dimensaun oin-oin ne'ebé lori konsekuénsia negativu hodi hases tiha husi dalan étika no morál, fo impaktu ba moris sosiál no ekonomia. Inklui afeita ba fundamentu Estadu Direitu Demokrátiku.¹ Buat hirak ne'e ataka ona mos instituisaun Estadu Timor-Leste, Liu husi desizaun no aktu ne'ebé viola prosedementu legal sira.²

Tuir Kódigu Penál (KP) Timor-Leste kona-bá krime iha Funsauun Publika artigu 292 to'o 295 difine katak korupsaun ho aktu krimi oin-oin hanesan pekulatu, korupsaun pasiva, abuzu poder, no tráfikú de influénsia iha ne'ebé deskreve hahalok funksionariu ne'e rasik ka liu husi ema seluk ho nia autorizasaun husu ka simu promesa sira ba nia-an rasik, liu husi pratika violasaun hasoru dever no obrigasaun tuir lei haruka.³

Aktu sira ne'e hahu buras instituisaun Governu nian.⁴ Liu husi asaun koruptu ne'ebé ho naran temi korupsaun kauzal. Hanesan mal-administrasaun, disiplina no *abuzu poder* hodi halo desizaun no uza facilidade Estadu la tuir prosedementu legal ne'ebé defeni tiha ona iha regulamentu no lei sira.

Fundasaun Mahein (FM) nia relatoriu ida ne'e atu halo análiza kona-bá kazu korupsaun kazual iha seitór siguransa. Liu-liu instituisaun sira hanesan Ministériu Defeza no Siguransa (MDS), Sekretariu Estadu Defeza (SED), Seketariu Estadu Siguransa (SES), inklui FALINTIL-Força Defesa Timor-Leste (FALINTIL-FDTL) no Polisia Nasional Timor-Leste (PNTL).

Metodolojia

Estudu ida ne'e FM adopta metodolojia liu husi diskusaun iha ekipa peskiza ho metodu *Security Sector Discussion* – SSD. Entrevista ho fontes sira ne'ebé kredivel inklui analiza dados sekunder husi públikasaun media nasional no internasional, relatoriu NGO nasional no internasional sira inklui monitorizasaun FM durante ne'e kona-bá kazu korupsaun kazual iha instituisaun siguransa sira.

Sintindu husi relatoriu ne'e la'os kondena instituisaun defeza no siguransa nakonu ho koruptu maibe atu deskreve kona-bá aktu korupsaun kazual ne'ebé hare liu ba iha hahalok funksionariu instituisaun siguransa hanesan disiplina uza veikulu Estadu, atendementu públiku, subornu, falsifikasaun dokumentu no laiha disiplina (korupsaun tempu).

¹ Lei Comissão Anti-Corrupção; Lei No. 8/2009, 15 Fulan-Jullu

² Fundasaun Mahein. Korupsaun Kazual iha PNTL. Disponivel iha <http://www.fundasaunmahein.org/2014/10/15/casual-corruption-in-pntl/>

³ Kódigu Penál Timor-Leste. (2008). Artigu 292-295 kona-bá Krime iha Funsauun Publika nia Ezersisíu

⁴ Santa, Aderito. 19 Febreiro. Leno Ita-An Rasik Konaba Kultura Korupsaun. Disponivel iha <http://embuscada01.blogspot.com/2013/02/leno-ita-rasik-konaba-kultura-korupsaun.html>

Tipu Korupsaun Kazual iha Seitór Siguransa

1. La disiplina uza veikulu

Dekretu Lei Nú. 8/2003 garante kona-bá uza veikulu Estadu sira durante oras serbisu normal (tuku 07.00 dader to'o 19.00 kalan husi Segunda to'o Sesta feira).⁵ Relatoriu husi Komisaun Anti Korupsaun (KAK) hatudu katak movimentu veikulu la'os oras serbisu (Sabadu no Domingu) mais-menus 33% ne'ebé kategoria mos kareta husi instituisaun polítika no siguransa nian.⁶ Maioria husi movimentu kareta hirak ne'e kuaze uza ba interese privadu.⁷ Hahalok irresponsabilidade hirak ne'e ejize Ministru Defeza no Siguransa iha tinan 2012 alerta ba polisia tranzitu hodi halo *check point* to'o ohin loron.⁸ Pratika hirak ne'e FM konsidera nu'udar aktu korupsaun kazual portantu servi ba interese privadu no la halo tuir lolos interese públiku nian.

Partikularmente ba instituisaun siguransa nian. Kazu dahuluk liu, husi FM nia monitorizasaun membru PNTL balu iha distritu uza kareta ba interese privadu no ikus mai soke rahun, laiha responsabilidade.⁹ Iregularidade seluk ne'ebé identifika membru PNTL husi Unidade Polisia Especial (UEP) uza kareta ba privadu no baku-fila iha area Munisipiu Liquiça nian.¹⁰

Nune'e mos iha instituisaun FALINTIL-FDTL, elementu balu ladun iha espiritu servi durante oras serbisu. Liu-liu iha momentu uza veikulu, estraga mos kareta balu ne'ebé Governu apoiu ba instituisaun FALINTIL-FDTL. FM nia monitorizasaun deskobre katak kareta FALINTIL-FDTL nian foun rua soke malu durante halo rodazen. Akontesementu ne'e halo lideransa masimu instituisaun FALINTIL-FDTL lamenta tebes.¹¹

Kazu seluk, akontese mos iha orgaun ezeutivu nian. Iha ne'ebé responsavel importante sira instituisaun nian ho poder ne'ebé iha utiliza patrimoniun Estadu nian ba interese privadu. Kazu importante ida akontese iha SES husi Xefe Gabine intituisaun ne'e rasik, distribui motor 27 ba Diresaun Lojstika nian hodi uza ba serbisu instituisaun nian ikus mai fo fali ba ninia motorista hodi uza ba privadu. Hetok at liu maka iha tinan 2012 Xefi Gabeti ne'e hetan promosaun ba Diretor Nasional hodi simu kareta foun Hilux maibe la entrega kareta NISSAN ne'ebé simu iha tinan 2008. Ikus, kareta ne'e fo direktamente ba ninia "kuinadu"¹² hodi uza ba interese privadu.¹³

⁵ Diploma Ministerial Nú. 01, 8 de Marsu 2010. Disponivel iha <http://www.jornal.gov.tl/?q=print/2097>

⁶ KAK fo sai nia relatoriu konaba funsionariu utiliza kareta Estadu nian. Disponivel iha <http://www.thediliweekly.com/news/news/488-cac-launches-report-on-the-use-of-state-vehicles>

⁷ kla'ak Semanal. Lori Kareta Estadu ba Interese Privadu, Governu Halo Korupsaun. Disponivel iha <http://klaak-semanal.blogspot.com/2008/04/lori-kareta-estadu-ba-interese-privadu.html>

⁸ PM Xanana Manda Polisia Tranzitu Prende Kareta Estadu. Disponivel iha <http://www.diariutimorpost.tl/berita-271-pm-xanana-manda-polisia-tranzitu--prende-kareta-estadu.html>

⁹ Jeronimo, Carlos. (2014, Dezembru 15). Chefe Departamentu Justiza PNTL. Entrevista pesoal

¹⁰ Utiliza Veikulu Institusaun Siguransa Nian ho Iregularidade. Disponivel iha <http://www.fundasaunmahein.org/2014/11/10/security-force-vehicles-are-being-used-irresponsibly-2/>

¹¹ Jornal Suara Timor Lorosa'e. SED Entrega Kareta Mini Aicon 9 ba F-FDTL. Tinan 2013

¹² Ninia "kuinadu" ne'e serbisu mos iha SES maibe tuir lolos kareta ne'e la'os nia maka simu. Tuir prosedementu tenki entrega fali maka halo desizaun hodi fo ba ema ne'ebé kompetente atu bele simu.



Hare'e husi faktu kazu korupsaun kazual ne'ebé FM relata iha leten sai indikador ida katak hahalok irresponsabilidade (la disiplina uza kareta) husi servidor Estadu nian, partikularmente instituisaun defeza no siguransa.

2. Subornu no falsifikasaun

Hahalok subornu no flasifikasaun dokumentu sai mos nu'udar asaun korupsaun kazual ne'ebé deskonfia durante ne'e akontese iha instituisaun sivil no siguransa nian.¹⁴ Publikasaun media nasional durante tinan 2014 relata katak membru PNTL iha Serbisu Migrasaun deskonfia simu subornu husi comunidade iha fronteira hodi hatama sasan.¹⁵

Kazu subornu seluk ne'ebé involve direta husi Komandante PNTL distrital balun hodi husu osan, pulsa telefone no mina kareta durante sorumutu komunitaria ne'ebé sosiedade sivil balu organiza.¹⁶ Nune'e mos iha tinan 2011 deskonfia mosu subornu ne'ebé involve direta husi funsionariu SED iha prosesu konstrusaun Portu Hera.¹⁷

Korupsaun kazual liu husi falsifikasaun dokumentu kontinua akontese iha instituisaun siguransa. Liu-liu involmentu pesoal siguransa, partikularmente Serbisu Migrasaun ne'ebé fasilita no garante ema estranjeiru tama-mai Timor-Leste ho vistu turista. Iha ne'ebé oknum balun nu'udar kondenadu ba pratika hirak ne'e iha tinan 2013.¹⁸

Pratika seluk FM nia monitorizasaun deskobre pesoal servidor públiku balu falsifika *invoice* ba restaurante no loza sira ne'ebé deskonfia involve membru balun husi instituisaun siguransa nian. Iha ne'ebé sai preoukupasaun Vise Primeiru Ministru Fernando Lasama de Araujo.¹⁹

¹³ Jornal Diariu Nasional, (2014) DN-SES Sai Arguido Ba Kareta NISSAN. Tinan 2014. Disponivel iha <http://www.jndiario.com/2014/01/29/dn-ses-sai-arguido-ba-kareta-nissan/>

¹⁴ Jornal Suara Timor Lorosa'e. Disponivel iha [Impaktu Suborno, Governu Hamosu Korupsaun.http://coloquioslusofonia.blogspot.com/2013/02/timor-lorosae-noticias-23fev012.html](http://coloquioslusofonia.blogspot.com/2013/02/timor-lorosae-noticias-23fev012.html)

¹⁵ Jornal Diariu Nasional. Oknum PNTL Simu Subornu. Disponivel iha <http://www.jndiario.com/2014/10/17/oknum-pntl-simu-subornu/>

¹⁶ Fundasaun Mahein. Korupsaun Kazual iha PNTL. Disponivel iha <http://www.fundasaunmahein.org/2014/10/15/casual-corruption-in-pntl/>

¹⁷ Tempo Semanal. Portu Temporariu F-FDTL, Deputadu Fretilin Du'un Funsionariu Husu Osan, Julio Pinto Haruka Hatama keixa ba KAK. Disponivel iha <http://temposemanaltimor.blogspot.com/2011/01/portu-temporariu-f-ftdl-deputadu.html>

¹⁸ Fundasaun Mahein. Kresimentu Traballador Estranjeiru iha Timor-Leste Ne'ebé La Regulariza. Disponivel iha http://www.fundasaunmahein.org/wp-content/uploads/2014/04/MNL_Nu.76_30042014_Trabailador-Estranjeirupdf.pdf

¹⁹ Deskonfia Funsionariu Publiku Balun Falsifika Invoice. Disponivel iha <http://www.timorhuniandoben.com/2012/10/deskonfia-funsionariu-publiku-balun.html>



3. Na'ok kombustivel Estadu

Aktu korupsaun kazual seluk ne'ebé membru husi instituisaun defeza no siguransa komete maka na'ok kombustivel Estadu nian. Liu husi manipulasaun kupon mina hodi ense ba kareta no motor privadu.²⁰ Iha tinan 2014, públiku hakfodak relasiona ho kapturasaun membru PNTL involve iha kazu na'ok mina instituisaun PNTL hodi hariku-an.²¹

Nune'e mos iha tinan klaran 2014, deskonfia na'ok kombustivel, tribunal liu husi desizaun primeira interrogatoriu aplika prizaun preventiva ba membru PNTL na'in 2. Liu husi desizaun primeira interrogatoriu tribunal aplika pena prizaun preventiva ba arguidu Lino Leão Gonçalves de Jesus ho Domingos Martins. Ne'ebé Ministériu Públiku akuza arguidu na'in 2 komete krime abuzu poder no pekulatu tuir artigu 295 ho 297 Kodigu Penal Timor-Leste.

Advogadu privadu Manuel Gonçalves hatete, arguidu na'in 2 hetan akuzasaun husi Ministériu Publiku katak arguidu komete krime pekulatu tuir artigu 295 Kodigu Penal Timor-Leste ho pena tinan 4 to'o 12 no tinan 2 to'o 4 ho krime abuzu poder tuir artigu 297 Kodigu Penal Timor-Leste ho pena tinan 1 to'o 4. Kazu ne'e rejistu ho número 0098/14/DIDIL.

Kronolojia ba kapturasaun ne'e halo hasoru kareta tanke ida ne'ebé lori kupon PNTL nia hodi mai foti mina husi Kompañia Ruvic Fuel Lda, nu'udar fornecedor mina ba viaturas PNTL nian, akontese besik Jardim Francisco Borja da Costa iha Motael, kuantidade kombustivel iha kareta tanke ida hamutuk litru rihun 5.²²

Nune'e mos monitorizasaun ne'ebé FM halo ba kompañia fornecedor kombustivel ba kareta no motor Estadu nian identifika katak funsionariu balun husi instituisaun siguransa nian uza kopun kombustivel hodi ense ba motor no kareta privadu. Situasaun ida ne'e fo impaktu maka'as ba atividade ofisial sira. Liu-liu serbisu públiku sira iha distritu no rural. Hanesan preokupasaun husi Komandante Korpu Bombeiros Munisipiu Manufahi ne'ebé hetan obstaklu relasiona ho kombustivel ne'ebé menus.²³

4. La disiplina iha tempu serbisu

Fenomena la disiplina serbisu tuir tempu sai ona mos moras ida ne'ebé kroniku iha instituisaun Estadu nian, partikularmente instituisaun defeza no siguransa. Rezultadu monitorizasaun FM hatudu katak membru instituisaun siguransa balun la disiplina iha oras serbisu hanesan falta liu semana ida, tama tarde serbisu la tuir oras normal ne'ebé tuir regra instituisaun no lei funsaun públiku nian. Kazu la disiplina iha oras serbisu barak liu FM deskobre iha instituisaun FALINTIL-

²⁰ Kareta Ho Motor Privadu Barak Ense Mina Uza Kupon Estadu. Disponivel iha <http://www.timorhuniandoben.com/2012/10/kareta-ho-motor-privadu-barak-ense-mina.html>

²¹ Tempo Semanal. Ministereu Saude Investiga Servidor Estadu Nauk Mina Estadu. Disponivel iha <http://www.temposemanal.com/latest-news/ministeiru-saude-investiga-servidor-estadu-nauk-mina-estadu>

²² Deskonfia Naok Kombustivel, PNTL Nain 2 Tama Prizaun Preventiva. Disponivel iha: <http://suara-timor-lorosae.com/deskonfia-naok-kombustivel-pntl-nain-2-tama-prizaun-preventiva/#sthash.09H4HWPW.dpuf>

²³ Jornal Timor Post. (2013. Abril 05). Kombustivel la Sufsiente ba Serbisu Bombeirosus.



FDTL no PNTL. Iha ne'ebé membru balun hetan demisaun relasiona ho kazu infrasaun disiplinár.²⁴

Xefi Departamentu Justisa PNTL rekuiñese katak disciplina serbisu membru polisia sira sei sai dezafiu ida ba dezvoltamentu instituisaun PNTL. Durante tinan 2014, PNTL halo suspensaun ba membru polisia ida husi total kazu infrasaun disiplinár hamutuk 63 ne'ebé tama iha Departamentu Justisa. Husi kazu disiplinár ne'ebé akontese barak liu maka kazu krime ne'ebé halo husi elementu PNTL no restu husi kazu sira ne'e maka hahalok utiliza tempu no abandona serbisu iha oras serbisu nian.²⁵

Nune'e mos rezultadu husi monitorizasaun FM deskobre katak kazu korupsaun kazual hanesan la disciplina ba oras serbisu akontese mos iha instituisaun FALINTIL-FDTL nia laran.²⁶ Iha ne'ebé Komandu FALINTIL-FDTL halo ona demisaun mais-menus membru 43 durante tinan 2014. Membru hirak ne'e kuaze la disciplina ba oras serbisu no abandona instituisaun laiha justifikasaun.²⁷

FM Nia Esperienzia Ho Oknum PNTL Kona-bá Korupsaun Kazual

Vizita ho sorumutu komunitariu iha distritu nu'udar parte husi FM nia misaun ne'ebé realiza kada iha tinan-tinan iha Nasaun ne'e. Vizita ho sorumutu ne'e fo oportunidade ba comunidade sira atu hasoru malu ho ekipa konjunta PNTL ho FM hodi halo diskusaun hamutuk kona-bá seitor siguransa hodi dezeña ba problema nia solusaun. Vizita no sorumutu refere sempre fo benefisiu diak ba Komandu PNTL distrital atu dezvoltolve relasaun ida ne'e forte ho comunidade.

Iha lora 1 Outubru 2014, FM halo sorumutu Komunitariu iha distritu ida, teki-teki Komandu Distritu PNTL (ne'ebé hamutuk halo responsabiliza ba koordenasun sorumutu refere) husu "tip". Depois ekipa FM responde la iha tip tamba atividade ida ne'e konjuntu, depois Komandu ne'e husu FM pulsa telephone ho osan ba mina kareta nian ho osan extra ba *catering* ka han meudia nian. Dala ruma Komandante refere haluhan kona-bá FM nia kna'ar ne'ebé durante ne'e halo monitorizasaun ba lala'ok siguransa inklui transparansia ho akontibilidade.

Atu hetan benefisiu ne'e, hanesan moe boot ida tanba iha mos membru PNTL balun ne'ebé hare hela nia komandante nia hahalok ne'ebé lolos tenki hakiak komunikasaun diak ho comunidade hanesan meus ida ba sira, nune'e mos at liu tanba hetan oportunidade atu hetan lukru ba an

²⁴ Fundasaun Mahein. Demisaun Membru F-FDTL – PNTL: Nu'udar Reformasaun Disiplina? Disponivel iha http://www.fundasaunmahein.org/wp-content/uploads/2014/08/MNL_Nu.-83_1902014_Demisaun-F-FDTLpdf.pdf

²⁵ Jeronimo, Carlos. (2014, Dezembru 15). Xefi Departamentu Justisa PNTL. Entrevista pesoal.

²⁶ Komprimentu Disiplinar Dezafiu ba Instituisaun PNTL no F-FDTL. Disponivel iha <http://www.fundasaunmahein.org/2014/02/26/komprimentu-disiplinar-dezafiu-ba-instituisaun-pntl-f-fdtl/>

²⁷ Partidu CNRT. Komandu F-FDTL Espulsa Membru Faltozu 24. Disponivel iha <http://partidocnrt.org/notisia/national/151-komandu-f-fdtl-espulsa-membru-faltozu-24.html>



rasik. Hetok aat liu tan akontesementu hanesan ne'e halo husi Komandante Superior ida ne'ebé lolos tenki responsabiliza kona-bá eventu tomak (saida maka nia membru sira sei hanoin kona-bá hahalok ne'e?) FM hakfodak tanba durante ne'e FM simu keixa barak los kona-bá hahalok sira hanesan ne'e husi membru PNTL ne'ebé deskontenti ba relasaun hanesan ne'e ho korupsaun kazual husi sira nia superior sira, ne'e sorin ida. Sorin seluk, la'os atu dehan katak membru sira ne'e perfeitu.

FM mos rona no simu ona kona-bá kazu sira ne'ebé involve PNTL husu vitima hodi uza nia kareta hodi halo investigasaun. FM ladun komprende los kona-bá akontesementu ne'e, tanba ho hakfodak loron ba loron ita hare kareta PNTL sira la'o barak tun sa'e iha estrada protokolu nia ho velocidade as.

Insidentes hirak ne'e hamosu pergunta lubuk ida kona-bá PNTL nia Polisiamentu:

1. Tebes ka PNTL laiha lojstika ka ekipamentu ne'ebé naton no ikus mai tenki obriga membru sira ba husu ka esmola ba organizasaun públiku seluk kona-bá osan ho transporte?
2. Tanbasa maka membru PNTL superior lahatene lolos ho kle'an entre hahalok diak ho saida korupsaun ka saida maka laprofesional? Pesoal membru hanesan ne'e dignu ka hetan promosaun ba sira nia kna'ar?
3. Nusa maka membru PNTL iha fiar oituan liu kona-bá halo keixa internal nian kona-bá sistema korupsaun ne'ebé sira fo hatene ba FM maibe lahalo keixa ho ofisialmente iha instituisaun laran?

Tuir mai, bazeia ba pergunta sira iha leten, FM rekomenda ba PNTL atu foti medidas ruma hanesan tuir mai:

1. Halo investigasaun ba ami nia keixa kona-bá deskonfian korupsaun husi membru PNTL.
2. Fo edukasaun ba membru sira (liu-liu ba membru superior sira) husi saida maka sira tenki konsidera iha lala'ok komunikasaun, korupsaun, profesionalismu.
3. Dezemvolve efektivamente transparansia nian ho sistema keixa internal nian ne'ebé tenki fo protesasaun ba keixa na'in sira, no la'os ba autor korupsaun nian sira.
4. Aplika zero toleransia iha sistema disiplinar ba membru sira ne'ebé lakohi performe ho profesional iha sira nia kna'ar tomak.

Rekomendasaun

Rekomenda ba Ministériu Defeza no Siguransa, Komandu FALINTIL-FDTL no PNTL implementa regulamentu disiplinar no lei aplikavel seluk iha instituisaun nia laran ho regirozu ba elementu militar, polisial no funsionariu públiku sira iha instituisaun refere. Obriga tenki kumpri regra utilizasaun viaturas sira ho disciplina no responsabilidade.



Bibliografia

- Alvares, Almerio. (2008, Abril). Kla'ak Semanal. Lori kareta Estadu ba Interse Privadu, GovernoHalo Korupsaun. Disponivel iha <http://klaak-semanal.blogspot.com/2008/04/lori-kareta-estadu-ba-interese-privadu.html>
- Deskonfia Funsionariu Publiku Balun Falsifika Invoice. Disponivel iha <http://www.timorhauniandoben.com/2012/10/deskonfia-funsionariu-publiku-balun.html>.
- Deskonfia Kupon Mina Karreta PN 'Sulin' ba Privadu. Disponivel iha <http://www.timorhauniandoben.com/2014/06/deskonfia-kupon-mina-karreta-pn-sulin.html>
- Diploma Ministerial 15/2012. Dekretu Lei No. 32/2011 data 27 Jullu 2011. Disponivel iha <http://www.jornal.gov.tl/?q=print/4919>.
- Diploma Ministerial no 01. 8 de Marsu 2010. Disponivel iha <http://www.jornal.gov.tl/?q=print/2097>.
- Entrevista ho Chefe Departamentu Justiza PNTL Superientendente Chefe Carlos A. S. Jeronimo. Iha loron 15 Dezembru 2014
- Fundasaun Mahein. (2014. Outubro). Korupsaun Kazual iha PNTL. Disponivel iha <http://www.fundasaunmahein.org/2014/10/15/casual-corruption-in-pntl/>
- Fundasaun Mahein. (2014. 10 Novembru). Utiliza Veikulu Institusaun Siguransa Nian ho Iregularidade. Disponivel iha <http://www.fundasaunmahein.org/2014/11/10/security-force-vehicles-are-being-used-irresponsibly-2/>
- Funsionariu Públiku Servisu Sabraut, Sala Husi Prosesu Rekrutamentu. Disponivel iha <http://www.timorhauniandoben.com/2013/07/fp-servisu-sabraut-sala-husi-prosesu.html>.
- Guilhermina. Franco. (2014. Febreiru 28). Jornal Suara Timor Lorosa'e. Elda Guterres da Silva,Husik Hela Mentalidade Aat, Buka Vizaun Foun ba Vida. Disponivel iha <http://jornal.suara-timor-lorosae.com/elda-guterres-da-silva-husik-hela-mentalidade-aat-buka-vizaun-foun-ba-vida/>
- Jornal Timor Post. (2013. Abril 05). Kombustivel la Sufsiente ba Serbisu Bombeirus.
- Jornal Diariu Nasional. DN-SES Sai Arguido Ba Kareta NISSAN. Disponivel iha <http://www.jndiario.com/2014/01/29/dn-ses-sai-arguido-ba-kareta-nissan/>.
- Jornal Suara Timor Lorosa'e. SED Entrega Kareta Mini Aicon 9 ba F-FDTL. Tinan 2013
- Kareta Ho Motor Privadu Barak Ense Mina Uza Kupon Estadu. Disponivel iha <http://www.timorhauniandoben.com/2012/10/kareta-ho-motor-privadu-barak-ense-mina.html>.
- Kódigu Penál Timor-Leste.



Komprimentu Disiplinar Dezafiu ba Instituisaun PNTL no F-FDTL. Disponivel iha <http://www.fundasaunmahein.org/2014/02/26/komprimentu-disiplinar-dezafiu-ba-instituisaun-pntl-f-fdtl/>.

Komando F-FDTL Demite Membru 19. Disponivel iha <http://www.jndiario.com/2014/05/30/komando-f-fdtl-demite-membru-19/>.

Komandu F-FDTL Espulsa Membru Faltozu 24. Disponivel iha <http://partidocrnt.org/notisia/national/151-komandu-f-fdtl-espulsa-membru-faltozu-24.html>

Lei Comissão Anti-Corrupção; Lei No. 8/2009, 15 Fulan-Jullu.

Oknum PNTL Simu Subornu. Jornal Diariu Nasional. Disponivel iha <http://www.jndiario.com/2014/10/17/oknum-pntl-simu-subornu/>

Parada. Josefa. (2013. Febreiru 22). Jornal Suara Timor Lorosa'e. Disponivel iha [Impaktu Suborno, Governu Hamosu Korrupsaun.http://coloquioslusofonia.blogspot.com/2013/02/timor-lorosae-noticias-23fev012.html](http://impaktu.suborno.governu.hamosu.korrupsaun.blogspot.com/2013/02/timor-lorosae-noticias-23fev012.html).

Radio Liberdade. (2011. Juñu 14). KFP Promove Grupu Gestaun Rekursu Umanu. Disponivel iha <http://www.radioliberaldedili.com/notisia/36-kfp-promove-grupu-gestaun-rekursu-umanus-iha-funsaun-publiku>.

Rekoñese Mal-administrasaun Buras, Xanana husu IJE la bele "Dukur". Disponivel iha <http://www.timorhauniandoben.com/2014/08/rekonese-mal-administrasaun-buras.html>

Relatoriu Peskiza CAC, (2013). Peskiza Integridade Servidór Públiku Iha Timor-Leste.

Sapo TL ho PNN Portuguese News Network. (2011. Agostu 17). Iha forsa seguransa nia laran mós iha korupsaun. disponivel iha <http://noticias.sapo.tl/tetum/info/artigo/1177765.html>.

Santa, Aderito. 2013. 19 Febreiru. Leno Ita-An Rasik Konaba Kultura Korupsaun. disponivel iha <http://embuscada01.blogspot.com/2013/02/leno-ita-rasik-konaba-kultura-korupsaun.html>.

Tempo Semanal, (2011, Janeiro). Portu Temporariu F-FDTL, Deputadu Fretelin Du'un Funsionariu Husu Osan, Julio Pinto Haruka Hatama keixa ba KAK. Disponivel iha <http://temposemanaltimor.blogspot.com/2011/01/portu-temporariu-f-fdtl-deputadu.html>.

Tempo Semanal. (2012. Outubru). Deskonfia Mazy Uza Dolar Taka Servidór Estadu Balun Nia Ibun. Disponivel iha <http://temposemanaltimor.blogspot.com/2012/10/parte-ii-servidor-estadu-tl-sobu-estadu.html>.

Tempo Semanal. (2014. Maiu). Ministriu Saude Investiga Servidor Estadu Nauk Mina Estadu. Disponivel iha <http://www.temposemanal.com/latest-news/ministriu-saude-investiga-servidor-estadu-nauk-mina-estadu>.